

SCARAMOUCHE A BIRA CUARTEL GENERAL DI CARNAVAL

ORANJESTAD(AAN) — Ayera mainta, Prins Carnaval, escohi democraticamente pa un jurado forma di hendenan cu tin nan 7 sinti bon na nan lugar, y cu consentimento general di henter pueblo carnavalesco Arubano, como Prins Carnaval 1982, ministro presidente, a la vez Ministro di Asuntonan General di Aruba, Comandante en Hefe di e glorioso ehercito di Socotoro, „lider absoluto di tur e gruponan di carnaval for di Boerhaavestraat te PAradijs, Eminente Parlamentario pa e bon causa di bario di Oranjestad, Consehero Juridico y financiero pro deo di henter e pueblo carnavalesco di Aruba, Top Super Headquarter Bartender exclusivo di Scaramouche Happest hour, y su Pancho Sin Igual, pa decision irrevocable di Prins Carnaval.

Prome secretario di tur organizacion afilia na SAC General di brigada di henter e forza di defensa di Aruba, Gobernador di Socotoro cu forza retroactivo for di principio di Carnaval 28 te habrimento di carnaval 29, controlador di actividadnan di carnaval di henter territorio nacional,

considerando cu bao di tur circunstancia e tradicion cu tin na Aruba como pueblo celebrador di bon carnaval, mester keda manteni, y cu continuacion di e tradicion aki durante no. 28 cu no tin su morochito ta depende di medidanan cu ta ser tuma; ta decreta:

Scaramouche, e luhoso nightclub na Lloyd G. Smith Boulevard, ta ser confisca y ta bira Headquarters di Prins Carnaval y Pancho Sin Igual, alavez Scaramouche lo ta palacio Presidencial durante henter e parada di carnaval.

Prins y Pancho di carnaval 1982, a decreta tambe cu entrante ayera, nan ta hala aden e decreto oficial di 15 di februari 1981, pa medio di cual Dakota a keda nombra Capital di Aruba, y ta dicidi cu Socotoro ta e ciudad capital atrobe, mescos cu na 1981

“Tanten cu nos ta manda e barco aki, lo no bini cambio tampoco. E otro ciudadnan pretendiente por dobla warda numa y bin purba suerte otro aña” segun proclamacion y decreto di Prins Carnaval cu su pancho Sin Igual.



Prins Carnaval (Maximo Roga) aki ta entregando su proclamacion na Gezaghewer Figaroa prome cu Gezaghewer y Bestuurscollege ser manda pa un viaje den glassbottom boat pa duracion di carnaval. Por mira tambe Pancho Sin Igual (Ronny Eckmeyer).